

IA

DIVER S.
TRAICTES.
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15



19 18 17 16 15 14 13 12 11 10 9 8 7 6 5 4 3 2 1 cm

18

185.
1772.
1817.

18

18

18

OE xv
754

Pièce	1.	Daunou	381-	
	2	-	912-	Pellechet-A168 ⁶¹⁰ =
	3	-	915	- 4618
	4	-	913	
	5	-	914	- 3899
	6	-	916	
	7	-	917	
	8	-	918.	

Toutes les autres pièces sont du XVI^e siècle

EXV 754

ancien L 4° 463

Relure aux armes de
De Mon avant
les deux mariages

OE xv
754

Ordonnance

12. 21

Sur la forme & maniere de viure, que doyuent tenir
les gens de Guerre, tant de Cheual que de
Pied, sur les Champs, & en leurs gar-
nisons : Faicte à l'assemblée, faicte
à Beziers, d'ung homme de chas-
cun Diocese du pays de Lan-
guedoc : le dixiesme Iour
du Moys de May, Mil cinq centz Quarantequatre.
Par monsieur de Montpezat, Mareschal
de France, & lieutenant pour le Roy
audict pays de Languedoc.



Imprimé par Guyon Boudeuille, Avec Per-
mission & Priuilege de la Court
de Monsieur le Seneschal de Tholose.



De par le Roy, & monsieur de Montpezat
Mareschal de France, & Lieutenant pour
ledict Seigneur en Languedoc.



N enfuyuant les
Ordonnances du Roynostredict Sei-
gneur, & reiglemēt ordōné sur le faict
de la Gendarmerie estant en garnison oudict Langue-
doc, Est faicte inhibition & deffence à tous *V*iuand-
diers, & aultres ayans charge de faire la fourniture des
*V*iures à ladicte Gendarmerie, n'exceder aucunement
le taux de monsieur le Daulphin, ne bailler argēt au lieu
de *V*iures: mais iceulx *V*iures en nature, sur peine de
la bart quant ausdictz *V*iuandiers: & quant aux *H*om-
mes d'armes & *A*rchiers, d'estre puniz selon l'*O*r-
donnance.

*I*tem est deffendu ausdictz *V*iuandiers, ne fournir
qu'au feur de quatre cheuaulx pour *H*ōme d'armes &
deux pour *A*rchier, pourueu qu'ilz soient en la garni-
son. Et si ledict nombre ny est, ne fournir qu'a lequipo-
lent de ceulx qui y serōt, sans bailler aucune chose pour
les absents, Sur peine q̄ ladicte fourniture sera perdue

A ij

au *V*inandier, sans en pouuoir demander rēboursēment
au Diocēse. Et fourniront aux Capitaines & membres
desdictes cōpaignies : Scauoir est à chascun Capitaine
pour douze Cheuaulx oultre sa place, Au Lieutenant
pour dix cheuaulx, son estat y cōprins : Aux porteurs
d'Enseignes & Guydons à chascun pour huiēt che-
uaulx; qu'est la contributiō de deux Hommes d'armes,
reuenāt la compaignie de cinquante Lances à trois cens
septante cinq Cheuaulx, tous estatx y compris.

ITEM s'il y auoit quelque *V*inādiier qui fist aul-
cune fourniture pour les absents, & pour plus grand
nombre de Cheuaulx qu'ilz ne se trouueront esdictes
garnisons par le Commissaire qui sera deputé à la visi-
tation d'icelles: ou bien aduanceroiēt la fourniture aul-
trement qu'il a eslé ordonné, icelledicte fourniture sera
perdue au *V*inandier comme dessus. Et ou cas que le
*V*inandier employe l'argēt du Diocēse, est mandé aux
Diocēsains de le poursuiure à rendre la somme qu'il au-
roit trop payée, excédant les precedentes deffences.

ITEM, & ou cas qu'icelluy *V*inandier fust
parent, amy, ou alié des Consulz & aultres ayās charge
d'ouyr ses comptes, à l'occasion dequoy les parties trop
fournies luy fussēt allouées, lesdictz Consulz & aultres

ayans charge d'ouyr lesdictz Comptes, porteront ladicte fourniture ainsi allouée & non due, sur leurs propres & priuez noms: & seront puniz comme de faulx. Et est permys à ung ou deux particuliers dudict Diocese, en faire la poursuite par deuant ledict seigneur Mareschal: Ausquelz particuliers sera incontinent donné prouision pour faire icelle poursuite: Pourueu touteffois que par iceulx particuliers ne soit usé de calumnie, & qu'ilz puissent prouuer la collusion faicte entre les Consulz, auditeurs des Comptes.

ET pource qu'il ya des Viandiers qui pour complaire ou autrement, aduancent ladicte fourniture aux Hommes d'armes & Archiers, ores qu'ilz ne soyent en leurs garnisons, en leur portant seulement ung blanc signé, uenant directement contre les Ordonnances dudict Seigneur, Est deffendu ausdictz Viandiers de faire aucune fourniture sur lesdictz Blancs signés, si lesdictz Hommes d'armes & Archiers n'y sont en personne. Et ou cas qu'il se trouuera du contraire, les Viures baillez en ladicte qualité sont perduz ausdictz Viandiers & administrateurs. Auec inhibition & def fence ausdictz Consulz & auditeurs des Comptes, de n'allouer lesdictes parties qu'ilz pourroient auoir four-

cm 1 2 3 4 5 6 7 8 9 10 11 12 13 14 15
nies sur lesdictz Blancs signés, à la peine de faulx & de quadruple euuers le Roy: avec pareille permission ausdictz particuliers de faire ladicte poursuite par deuât ledict seigneur Mareschal en la forme que dessus.

ET est faicte semblable deffence ausdictz Hommes d'armes & Archiers, de ne contraindre lesdictz Viandiers à leur faire aucune fourniture, sinon comme il est contenu audict taux de m^{se}igneur le Dauphin, sur peine d'estre puniz comme il est mandé par l'Ordonnance.

Pareillement est ordonné que lesdictz Viandiers seront tenuz apporter audict seigneur Mareschal le Rolle de ceulx qui se seront trouuez, pour le uerifier avec le Rolle qui sera faict par celluy que mondict seigneur le Mareschal deputera à uisiter lesdictes Garnisons, affin q^{il} sur icelluy, la fraulde que pourroit estre commise par lesdictz Viandiers puisse estre cogneue, pour apres en estre faicte punition comme il est mandé par les Ordonnances,

ET Pource que les Mareschaulx des logis, & Fourriers, quant lesdictes compagnies sont ordonnées en garnison en une ou plusieurs Villes, ou lieux d'ung Diocese, ont accoustumé prēdre les logis des Consulz,

Scindicz, Officiers du Roy, & Greffiers des lieux
qui iournellement uacquent & entendent au proffict de
la chose publique, & sont la pluspart du temps aux
champs, Est deffendu ausdictz Mareschaulx & Four
riers, ne prendre ne marquer leurs logis ne grâges: mais
loger lesdictz Hommes d'armes & Archiers au de
meurant desdictz lieux & uillaiges le plus comodément
que faire se pourra.



Quant aux gens de pied, Pource qu'aux
leuées qui ont este faictes par cy deuant en ce
pays de Languedoc ya eu plusieurs maluer
sations, pilleries, cōcussions, uiolences, ex
torstōs, ransonnemētz sur le pauvre peuple à cause q̄ les
Capitaines demeurēt lōguemēt à faire icelles leuées &
à faire cheminer leurs bandes, & icelles conduyre &
rendre aux lieux ordōnez, affin d'auoir occasion de te
nir les champs, & uiure sur le bon homme: Est ordonné
que les Capitaines ayās charge de faire lesdictes leuées,
serōt tenuz faire & dresser leursdictes bādes aux lieux
q̄ par nous leur serōt ordōnez, & dans le terme prefix,
sans qu'il leur soit loysible sortir hors desdictz lieux
pour aller tenir les champs: mais serōt nourriz en iceulx

durant ledict temps prefix sans plus, & seront fournis
en la maniere q̄ sensuyt: Assavoir est, à chascun Com-
paignon de Guerre deux Pains pour iour, le pain pe-
sant seize onces: ung Carton de uin mesure des lieux:
demye Liure carnaissiere Mouton, Beuf crestat, ou
lard, le tout sans payer, sauf au Diocese qui aura porté
ladiete charge; d'estre remboursé de ladiete despence
sur ledict pays, fors de ce que sa cotte part se pourra
monter.

ET ou cas que lesdictz gēs de guerre ne se contēte-
roient desdictz uiures & qu'ilz sen iroyēt tenir les chāps
ou bien en prendroyent par force des manans & habitās
des lieux ou ladiete leuée se feroit, est mādē & cōmandē
à trois iusticiers & subgectz dudit Seigneur de les rō-
pre & deffaire, & prendre prisonniers: & iceulx me-
etre entre les mains des ordinaires pour les punir comme
mangeurs de poulle, maluiuans, & ennemys du Roy
& de la chose publicque.

ITEM, sera tenu ledict Capitaine, auāt q̄ par-
tir du lieu qui luy sera ordōné pour faire sa leuée, faire
reueue de la trouppē qu'il aura assēblée pour n'en enue-
ner plus grād nōbre qu'il luy aura esté baillé en charge,
faisant crier auant que desloger que s'il ya aucun soldat

qui ayt porté dōmaige à aulcun desdictz manans & ha-
bitans, l'en uenir aduertir pour puis apres rendre le mal
faicteur entre les mains de l'Ordinaire, pour en faire la
punitiō qu'il apartiendra, sur peine que ledict Capi-
taine sera tenu le représenter par deuant mondict Sei-
gneur Mareschal, & s'il ne le représēte de patir la pei-
ne que ledict Soldat auroit meritē: Et s'il aduenoit qu'il
eust nōbre excessif de gēs de guerre pour uoloir faire
belle & grande bande, luy est mādē sur peine de la hart,
casser, & en renuoyer le surplus de quatre en quatre,
affin qu'ilz n'ayent la puissance de tenir les champs. Et
ou cas qu'iceulx cassez s'assemblassent, est dōnée sembla-
ble permission que dessus aux Ordinaires d'en faire la
punitiō.

I T E M, & serōt tenuz lesdictz Capitaines bail-
ler au Cōmissaire qui leur sera baillé pour les cōduire,
ung rolle de ceulx qu'ilz aurōt trouuez esdictes reueues
(non excedant touteffois le nōbre de leur charge) affin
que ledict Cōmissaire puisse donner ordre prompte-
ment de faire fournir les Estappes qui seront ordonnées
pour leur passaige: duquel Rolle les Consulz & Dio-
cesains auront ung double pour demander le rembour-
sement audict Pays. Et ccla faict sera tenu ledict Ca-

B

pitaine, prendre le chemin des Estappes pour se uenir rendre la ou il sera ordonné, sans le destourner, sur peine de la hart, & d'estre deffaietz & rompus cōme dessus.

I T E M, s'il y auoit quelque Capitaine qui uolüst seiourner au lieu qui luy aura esté ordonné pour faire sa leuée plus que ne luy auroit esté accordé par mondiet seigneur Mareschal, Est deffendu ausdictz Consulz & Diocesaïs, de ne leur faire aucune fourniture, sinon pour le temps qu'il leur sera ordonné sur peine de payer icelle fourniture en leurs propres & priuez noms. Et seront tenuz lesdictz Capitaines d'acheminer les gens de guerre qu'ilz pourroient auoir assemblez sans faire plus long seiour, qu'il ne leur auroit esté accordé. Et s'ilz ont coustume faire aucunes uiolences au pauvre peuple, est mandé ausdictz Consulz des lieux, en aduertir les Scindicz du pays, pour en faire informer & poursuite contre les delinquäts, & les faire punir à rigueur de l'Ordonnance.

I T E M, & pource qu'il conuient deputer souuentefois des Commissaires, tant pour admener & conduire les gens de Guerre par Estappes, qu'aultres affaires concernantz le soulaigement du peuple: & qu'iceulx Commissaires se sont faictz faire par cy deuant, gros

ses & excessiues taxations; à la grande foule dudict
pays, Est ordonné que dorefnauant lesdictz Commis-
saires seront payez au feur de uingt solz homme & che-
ual: Et n'y aura Commissaire de quelque estat & con-
dition que soit, qui puisse demander que pour deux bom-
mes & deux cheuaulx, au feur susdict, qui leur seront
respectiument payez par chascun Diocese ou lesdictes
iournées auront esté employées, & selon les uaccations
qu'il y aura faictes: Sauf à meètre le tout puis apres sur
le Blot du pays pour l'esgaliser au solz la liure, comme
il est accoustumé faire en telz actes.

ET ou cas, que luy en seroit taxé & payé daduan-
taige, les Diocesains auront Recuperetur sur ceulx
qui auront faict le payement & excédé le present taux.

Et affin que la presente Ordonnance puisse uenir à
la notice & cognoissāce de tous ceulx du present pays,
Est mandé aux particuliers Consulatx des Dioceses,
en prendre Copie, & la proclamer en tous lieux &
Villages: Et aussi aux lieux ou il sera assigné faire
lesdictes leuées, affin que les gens de Guerre, ne ceulx
dudict pays n'en puissent pretendre cause d'ignorance;
& icelle enregistrer aux sieges Royaulx.

Faict à l'Assemblée, faicte à Beziers
d'ung homme de chascun Diocese, le
dixiesme du mois de May, l'An Mil
cinq cens.xliiij.

Donné par Copie.
Vayffet.















